

20 ноября

Мчч. 33-х, в Мелитине пострадавших. Прп. Лазаря Галисийского.¹

Мчч. Авкта, Тавриона и Фессалоникии. Обретение мощей прп. Кирилла Новоезерского (Новгородского).

На великой вечерне «Блажен муж» – кафизма вся.

НА «ГОСПОДИ, ВОЗЗВАХ» СТИХИРЫ НА 10:

Воскресные, гласа – 4,

Стихиры мучеников, глас 4, подобен: «Яко добля в мученицех...»:

5. Стих: Аще беззакония назриши, Господи, Господи, кто постоит?//
Яко у Тебе очищение есть.

Богособранное ополчение, священное во́инство,/ собрание Бо-
жественное, наро́д святы́й,/ по́лк мучеников Богодохнове́н-
ный,/ красное сгромаждение, нерастерзное споборéние,/ истинно
явистеся, достосла́внии,/ и Вы́шняя митрополии достойно жи́телé.//
Сего ради должно ублажа́етесья.

6. Стих: Имене ради Твоего потерпех Тя, Господи, потерпе душа
моя в слово Твое,// упова душа моя на Господа.

С Никандром Исихия, Афанасия, Маманта,/ Божественного Вара-
хия, и Каллиника,/ и Феогена, и Никона,/ Лонгина и Феодора,/ Уаллерия купно и Ксанфия,/ Феодула, и Каллимаха, и Евгения,/ вси сошедшеся,// с Божественным Феодохом и Острихия почтим.

7. Стих: От стражи утренния до нощи, от стражи утренния,// да упо-
вает Израиль на Господа.

Добляго Иерона, славнаго Епифания,/ Максимиана купно и Дуки-
тия,/ Клавдиана, и Феофила,/ и Божественнаго Гигантия,/ и До-
рофея верно, и Феодота воспоим,/ и Кастрихия, и Аникиту купно, и
Фемелия, / Евтихия же согласно,// Истины свидетели.

Стихиры преподобного: Глас 6, подобен: «Все отложше...»:

¹ Служба 33-х мучеников и прп. Лазаря не имеет праздничного знака, совершается вместе с воскресной службой Октоиха.

8. Стих: Яко у Господа милость, и многое у Него избавление, // и Той избавит Израиля от всех беззаконий его.

Все отложив страстей безсловесие / и плоть духу покорив, / был еси добродетели правило, / монашествующих утверждение, / постников образ, преподобных удобрение. / И ныне неизреченную доброту зриши Творца твоего, / питаюсь присно добротами, сущими на Небесех духом. / Тем, сошедшися, в песнях пении сладкими // твою честную и всепразднственную память празднуем.

9. Стих: Хвалите Господа вси языцы, // похвалите Его вси людие.

Все оттрясл еси вещи тяжкобременное / и многомятежное плоти волнение, / укротив, мудре, дыхания, / пребыл еси, страстьми непреклонен, / яко столп, укрепляемь / духовными бронями, умом доблественным. / И ныне Божественнаго получи воистинну видения и светлости, / и к Немуже желал еси, преставился, // наслаждаяся Его неконечныя светлости, положением обожаемь.

10. Стих: Яко утвердися милость Его на нас, // и истина Господня пребывает во век.

Илии подобяся и Иоанну светильнику, / Свет возлюбив, / молчати в горах и в пустынях сухих, / восхождению всегда поучался Божественному / и преспеявая добродетелей путем. / Темже постигл еси желание крайнее, премудре, / и, радуяся, предстоиши трисиянному Троицы Свету, / от Негоже неходатайственне Божественную приемля зарю, // со дерзновением молися о душах наших.

«Слава» - Глас 5:

Преподобне отче, / не дал еси сна твоим очесем, / ниже веждам твоим дремания, / дондеже душу и тело от страстей свободил еси / и тебе самага уготовал еси Духа жилище. / Пришед бо, Христос со Отцем / обитель в тебе сотвори, / и, Единосущныя Троицы угодник быв, / великопроповедниче Лазаре, отче наш, // молися о душах наших.

«И ныне» – догматик, гласа.

Вход. Прокимен дня.

НА ЛИТИИ

Стихира храма.

**Богородичные стихиры Павла Аморрейского, глас 5,
подобен «Радуйся»:**

Престол Херувимский воистинну,/ яко Превышшы тварей бывши:/ в Тебе бо Божие Слово,/ наш зрак наздати хотя,/ вселися, и прошед с плотию из Тебе, Всечистая:/ Крестную же страсть нас ради восприят,/ и Воскресение яко Бог дарова изменшемуся нашему осужденному естеству,/ тем, яко Содетелю,/ Сыну Твоему молимся, Богомати, // уллучити прощение и милость в час судный.

Что Твою, Богородительнице Чистая, нареку Церковь Богославную?/ Вертоград Едемский именую,/ и Ноев, Чистая, ковчег прореку,/ спасший Богу царское священство,/ весь свят язык, Христа Бога нашего собор:/ Моисеову же кивоту уподобляю Тя,/ в немже очистилище и жезл прозябший,/ в немже свещник и ручка, кадиланица всезлатая, // воньже прибегает всяк верный и испрошает велию милость.

«Слава и ныне» - глас тойже:

Едина безнадежных Надеждо,/ беспомощных готовая Помоще,/ милости Рождшая Волителя Иисуса,/ мою помилуй ныне немощь, Чистая,/ и подаждь ми помыслом умиление./ Струями слез самых согрешений моих,/ непобедимую потопа пучину:/ отжени безмерных моих страстей бурю:/ и исполни тишины Божественныя смущенное сердце мое,/ Христа молящи, // подати ми согрешений совершенное оставление.

НА СТИХОВНЕ

Стихиры воскресные, гласа.

«Слава» – преподобного, глас 6-й:

Преподобне отче,/ во всю землю изыде вещание исправлений твоих,/ темже на Небесех обрел еси мзду трудов твоих,/ демонов разрушил еси полки,/ Ангелов чины постигл еси,/ ихже житию непорочно поревновал еси./ Дерзновение имея ко Христу Богу, // мир испроси душам нашим.

«И ныне» – Богородичен воскресный по гласу «Славы»:

Творец и Избавитель мой, Пречистая,/ Христос Господь из Твоих ложесн прошед,/ в мя оболкийся, первая клятвы Адама свободи./ Темже Ти, Всечистая,/ яко Божии Матери же и Деве, воистину/ вопием немолчно:/ радуйся Ангельски, радуйся, Владычице, // Предстательство и Покрове, и Спасение душ наших.

По Трисвятом – «Богородице Дево...» Трижды.

НА УТРЕНЕ НА «БОГ ГОСПОДЬ»

Тропарь воскресный, гласа. Единожды.

Тропарь мучеников, глас 4:

Мученицы Твои, Господи,/ во страданиях своих венцы прияша нетленные от Тебе, Бога нашего,/ имуще бо крепость Твою,/ мучителей низложиша,/ сокрушиша и демонов немощныя дерзости./ Тех молитвами // спаси души наша.

«Слава» - Тропарь преподобного Лазаря, глас 8:

Бденными молитвами,/ теченьми слезными столп омочил еси,/ и из глубины воздыханьми/ во сто трудов плодоносил еси,/ и был еси пастырь, всем подавая прощение,/ преподобне отче наш Лазарь:/ молися Христу Богу спастися душам нашим.

«И ныне» – Богородичен воскресный по гласу «Славы»: «Иже нас ради...».

Полиелей. «Ангельский собор...». **Ипакои, степенны и прокимен – гласа.** «Воскресение Христово видевшие...». **По 50-м псалме:** «Слава» – «Молитвами апостолов...». **Стихира воскресная, глас 6-й:** «Воскрес Иисус от гроба...».

Ирмосы воскресные. Катавасия «Отверзу уста моя...». **На 9-й песни поем** «Честнейшую». **По 9-й песни –** «Свят Господь Бог наш» **гласа.**

НА ХВАЛИТЕХ

Стихиры воскресные, гласа – 8.

«Слава» – **стихира евангельская,**

«И ныне» – «Преблагословенна еси...».

Великое славословие. По Трисвятом – тропарь воскресный:

НА ЛИТУРГИИ

Блаженны гласа – 8.

**По входе – тропари и кондаки:
[В храме Господском]**

Тропарь воскресный,

Тропарь мучеников, глас 4:

Мученицы Твои, Гóсподи,/ во страдáниях своих венцы прияша
нетленные от Тебе, Бога нáшего,/ имуще бо крéпость Твою,/ мучíteлей низложíшá,/ сокрушиша и демонов немощныя дёрзостí./ Тéх молíтвamá// спаси души нáшá.

Тропарь преподобного Лазаря, глас 8:

Бдёнными молíтвamá,/ течёнными слéзными столп омочíл есí,/ и
из глубины въздыхáньмí/ во стó трудов уплодоносíл есí,/ и
был есí пáстырь, всем подая прощéниé,/ прéподóбне óтче наш Лá-
зарé:/ моли́ся Христу Богу спастися душам нáшим.

Кондак мучеников, глас 8, подобен: «Яко начатки...»:

Лик мученический ясен, полк светонóсén,/ сошéd к нам ра-
зúмнó,/ Цérковь днесь просветíл есть чудными заря́ми./ Тém-
же, прáзднующе честную пáмять íх,/ прóсим óт Тебé, Спáсе нáш:/
тéх молíтвами от бéd избáви нáс, // дá поём Ти: áллилу́йя.

«Слава» – **Кондак преподобного, глас 4, подобен: «Явился еси...»:**

Яко светильника превеликаго Церковь Христова славит тя с ве-
селием псалóмски./ Тémже не престай моля́ся Христú// дати
всем прегрешений прощéние.

«И ныне» – **кондак воскресный.**

**В храме Богородицы – тропарь воскресный, тропарь храма, тропарь мучени-
ков, тропарь преподобного; кондак воскресный, кондак мучеников. «Слава»
– кондак преподобного, «И ныне» – кондак храма.**

**В храме святого – тропарь воскресный, тропарь храма, тропарь мучеников,
тропарь преподобного; кондак воскресный, кондак храма, кондак мучеников.
«Слава» – кондак преподобного, «И ныне» – «Предстательство христиан...».**

Прокимен воскресный, гласа.

**Прокимен преподобного, глас 7: Честна пред Господем смерть пре-
подобных Его.**

**Причастен воскресный: Хвалите Господа с небес, хвалите Его в
вышних.**

**Причастен преподобного: В память вечную будет праведник, от слу-
ха зла не убоится.**

Аллилуия. (Трижды).